



光緒十四年孟春月

古詩源

民國十一年三月廿六日
用國幣八角
琉璃廠廣益堂

攷雋堂梓行

詩至有唐為極盛。然詩之盛非詩之源也。今夫觀水者至觀海止矣。然由海而源之近于海為九河。其上為泇水。為孟津。又其上由積石以至崑崙之源。記曰祭川者先河後海。重其源也。唐以前之詩崑崙以降之水也。漢京魏氏去風雅未遠。無異辭矣。即齊梁之綺縠。陳隋之輕豔。風標品格未必不遜於唐。然緣此遂謂非唐詩所由出。將四海之水非孟津以下所由注。有是理哉。有明之初。承宋元遺習。自李獻吉以唐詩振天下。靡然從風。前後七子互相羽翼。彬彬稱盛。然其敝也。株守太過。冠裳

土偶學者咎之。由守乎唐而不能上窮其源。故分門立戶者。得從而為之辭。則唐詩者。宋氏之上流。而古詩又唐人之發源也。予前與樹滋陳子輯唐詩成帙。窺其盛矣。茲復溯隋陳而上。極乎黃軒。凡三百篇楚騷而外。自郊廟樂章。訖童謠里諺。無不備采。書成。得一十四卷。不敢謂已盡古詩。而古詩之雅者。略盡於此。凡為學詩者。導之源也。昔河汾王氏刪漢魏以下詩。繼孔子三百篇後。謂之續經。天下後世。羣起攻之。曰僭。夫王氏之僭。以其擬聖人之經。非謂其錄刪後詩也。使誤用其說。謂漢魏

十一年三月廿九日

以下學者不當蒐輯。是懲熟熒而吹鑿。見人噓而
廢食。其亦翦翦拘拘之見爾矣。予之成是編也。於
古逸存其槩。于漢京得其詳。於魏晉獵其華。而亦
不廢夫庠齊後之作者。既以編詩。亦以論世。使覽
者窮本知變。以漸窺風雅之遺意。猶觀海者由洋
河上。之以溯崑崙之源。於詩教未必無少助也夫。
康熙己亥夏五長洲沈德潛書於南徐之見山樓。

例言

康衢擊壤。肇開聲詩。上自陶唐。下暨秦代。韵語可采者。或取正史。或裁諸子。雜錄古逸。冠於漢京。窮詩之源也。詩紀脩詳。茲擇其尤雅者。

風騷既息。漢人代興。五言為標準矣。就五言中。較然兩體。蘇李贈荅。無名氏十九首。古詩體也。廬江小吏。妻羽林郎。陌上桑之類。樂府體也。昭明獨尚雅音。略於樂府。然措詞敘事。樂府為長。茲特補昭明選未及。後之作者。知所區別焉。

安世房中歌。詩中之雅也。漢武郊祀等歌。詩中之

頌也。廬江小吏妻羽林郎陌上桑等篇詩中之國風也。樂府中亦具三體。當今別觀之。

曹子建云。漢曲詆不可辨。魏人且然。況今日耶。凡不能句讀及無韻不成誦者均不錄。

蘓李以後陳思繼起。父兄多才。渠尤獨步。故應為一大宗。鄴下諸子各自成家。未能方埒也。嗣宗觸渚興懷。無端哀樂。當塗之立。又成別調矣。

壯武之世。茂先休矣。莫能軒輊。二陸潘張亦稱魯衛。太冲拔出於衆流之中。丰骨峻上。盡掩諸家。鍾記室季孟於潘陸之間。非篤論也。後此越石景純。

聯鑣接軫過江末季挺生陶公無意為詩斯臻至
詣不第於典午中屈一指云

詩至於宋體製漸變聲色大開康樂神工默運明
遠廉儁無前允稱二妙延年聲價雖高雕鏤太甚
未宜鼎足矣齊人寡二兮暉歟有一代阮長以下
無能為役

蕭梁之代風格日卑隱侯短章猶存古躰文通仲
言辭藻斐然雖非出羣之雄亦稱一時作者陳之
視梁抑又降焉子堅孝穆並以總持略其體裁專
求名句所云差強人意者耶

梁時橫吹曲武人之詞居多北音鏗鏘鉅饒競奏
企喻歌折楊柳歌詞木蘭詩等篇猶漢魏人遺響
也吐齊敕勒歌亦復相似

北朝詞人時流清響庾子山才華富有悲感之篇
常見風骨所長不專在造句也徐庾並名恐孝穆
華詞瞠乎其後

隋煬帝豔情篇什同符后主而邊塞諸作矯然獨
異風氣將轉之候也楊處道清思健筆詞氣蒼然
後此射洪曲江起哀中立此為之睽廣矣

漢武立樂府采歌謠鄺茂倩編樂府詩集雜謠歌

詞亦俱收錄。謂觀此可以知治忽驗盛衰也。愚於
各代詩人後嗣以歌謠猶前人志云。

漢以前歌詞後人僞作甚夥。如夏禹玉燦詞。漢武
帝落葉哀蟬曲。類是也。詞旨可取。不妨竝登。真偽
自可存而不論。然如皇娥白帝歌。事近於誣。虞姬
答歌。蘇武妻荅詩。詞近於時。類此者不敢從俗采
入。

詩非談理亦烏可悖理也。仲長統述志云。畔散五
經。滅弃風雅。放恣不可問矣。類此者槩所屏却。
晉人子夜歌。齊梁人讀曲等歌。俚語俱趣。拙語俱

巧自是詩中別調然雅音既遠鄭衛雜興君子弗
尚也愚於唐詩選本中不收西崑香奩諸體。此是
此意。

新城王尚書向有古詩選本。抒文載實。極工裁擇。
目五言七言。各立界限。故三四言及長短雜句。均
在屏却。茲特采錄各躰。補所未備。又王選五言。兼
取唐人七言。下及阮代。茲從陶唐氏起。南北朝止。
探其源不暇沿其流也。

詩之為用甚廣。阮宣討貳爰賦標梅。宗國無鳩。乃
歌斯以。斷章取義。原無達詁也。箋釋評點俱可無。

庸為學人啓齒徑未能免俗耳。

書中徵引宜錄全文緣疏通大義匪同箋註凡經史子集時從刪節近於曰陋就簡識者諒諸。

德潛學識淺於制詩緝頌略無所得此書援據典實通達奧義得三益之功居多叅訂姓氏詳列于簡。

歸愚沈德潛識

年三月廿九日

參訂姓氏

尤

珍謹庸

長洲

施何牧贊虞

崇明

王材任子重

黃岡

楊

賓可師

山陰

計

默希深

吳江

沈用濟方舟

錢唐

顧嗣立俠君

長洲

杜

詔紫綸

無錫

李

崧靜山

無錫

魏荔彤念庭 柏鄉

王汝驤雲衢 金壇

方還莫朔 番禺

侯銓秉衡 嘉定

陳祖范亦韓 常熟

陳培脉樹滋 長洲

沈起元子大 太倉

張錫祚永夫 吳縣

徐夔龍方 長洲

顧紹敏嗣宗 長洲

許廷鏢子遜

長洲

孫謨丕文

江寧

朱奕恂恭季

長洲

劉震東郊

吳縣

謝方連皆人

宜興

張畹遜九

吳縣

張鈇少弋

吳縣

方朝東華

番禺

周永銓昇逸

長洲

李果客山

長洲

汪琇西京常熟

尤怡在京吳縣

周遠少逸吳縣

毛樹杞遇汲吳縣

周準欽萊長洲

鄭思用元稹吳縣

王之醇鶴書崑山

翁玉行靜子江陰

汪銓上衡新安

彭啓豐翰文長洲

朱玉蛟雲友

長洲

顧詔祿祿百

長洲

江向燂青麓

長洲

陸世懋向直

太倉

沈振超亭

長洲

朱受新念祖

吳縣

門人

洪鈞鳴佩

寧國

尤秉元昭嗣

長洲

滑士麟苑祥

太倉